

四庫全書

史部

欽定四庫全書

硃批諭旨卷九十四

硃批任國榮奏摺

雍正五年七月十一日四川重慶總兵官臣任國

榮謹

奏恭請

皇上聖安竊臣至愚至賤叨蒙

天恩畀以總兵鉅任刻骨銘心感難言罄於閏三月二

十六日抵重慶隨訪地方風俗淳厚郊野牧寧兵民和協皆感戴

皇上教養弘慈臣到任後卽點驗所屬黔彭忠州二營兵丁弓箭軟弱烏鎗生疎且前鎮臣并各營將備等官向來各以長隨家人頂食名糧臣當卽革退現在親加教導務期衆兵技熟力強始堪效用所有各營員弁業經輪調考過千把內有年老久病弓馬不堪者已欽遵

諭旨沙汰及驗看額設盔甲旗幟軍裝等項因屢次出
師口外以致多有損缺查去年八月內前提臣周

瑛

奏准額定戰守空糧六十分爲鎮標公費臣卽將所
收夏季銀兩發給中營辦理已製備鐵盔一千頂

如此

甚好

大小旗幟一百六十八桿其餘自可按季製備不

致誤公亦不致累兵再查各路原設有水塘並無
船隻臣已買快船一十九隻分發水塘兵丁撐駕

巡查另造大船三隻以備委員遊巡之用原設旱

咨呈

塘之塘房煙墩哨樓等項廢缺甚多臣已飭該營

該督撫酌行

移會有司修整以資防守惟是火藥一項原未額

設向係鎗手自備不無苦累今按臣標下三營併

黔彭忠州二營共烏鎗一千二百桿礮二十七位

每歲春秋兩季操演約需火藥九千八百五十餘

斤該銀三百四十餘兩臣

此非長計也

現在先行捐製分給應

操可否仰邀

是

屬酉陽司土官冉元齡素性貪殘當卽飛檄訓飭
現在密查如得劣蹟卽與督臣提臣斟酌糾叅臣
標員弁弓馬稱職者固有生疎者亦有臣現今學
習再考又訪得重慶去歲米價止一兩三四錢不
等其市斗一斗較倉斗有二斗三升因本年自春
入夏楚省絡繹搬運曾賣至三兩今賴

聖主福庇雨水調勻田禾豐稔早穀已登米價已減至
一兩七錢將來晚穀一出自然更減嗣後如有應

行事宜容臣另摺具

奏再臣前曾面

奏出巡一事俟七月十五日開操後於八月中旬起程前往合併聲明伏乞

睿鑒批示謹

奏

嗣後再有奏聞須一事一摺以便朕逐件批諭

雍正五年十二月十三日四川重慶總兵官臣任

國榮謹

奏爲奏

聞事竊臣看得重郡兵民聚處戶口實繁今見浙楚二
省買米差員接踵而至外販又運往下江絡繹不
絕人心徬徨紛紛環繞臣署膚慙臣隨與知府張
光鱗酌議令下江米販暫停搬運俟浙楚官米買
竣仍聽其便當卽咨明督撫在案臣查川省固爲
產米之區而重慶郡城則惟賴上江米客陸續販

來糶賣始得價平而食足自去冬浙省採買數萬石之後外省米商又源源運往下江以致今年春夏米價頻增每石竟賣至三兩幸秋收至今上米一石價銀二兩三錢中米二兩一錢糙米一兩五錢五分地方兵民恐搬運過多價值仍前騰貴買食維艱情詞迫切臣既咨明督撫應聽酌奪但臣身在地方目擊情形敢不上達

宸聽仰懇

聖裁爲此具摺奏

聞謹

奏

米價情形憲德亦經奏過此全在地方大員相機因時料理固不可遏糴亦不可令販運過多地方皆朕幅員百姓皆朕赤子惟一視同仁公平措置合於中道爲是今川省米價已至此數極當撙節與撫臣憲德商酌行之

同日又

奏爲冒昧陳奏事竊臣昨於遊巡之時查得右營汛地內有塘田一十二處歷年給與塘兵經營除完糧外每歲共收租穀銀五十二兩有零名雖公用實無濟於營伍且臣訪聞此田時值千餘金現今軍裝什物廢缺尚多以臣鄙見莫若將此田招民頂接收價以製軍裝等項庶陋習不致久沿公務亦得早竣於營伍甚有裨益緣官土不敢因循理

合

奏明可否伏祈

聖裁倘蒙

此事當再加詳議或賣或留具本題明方可永遠遵行

俞允臣當飭營會同有司丈明定價另爲摺

非密奏了結之件

奏再臣署外左右向有店舖四間租出開舖又各城

門之旁共有空地一十九處租出蓋房每年共收

租銀六十餘兩以充修理大小衙舍之費此項伏

懇

聖恩此議可行准其照舊留爲苦補各衙舍之資永爲遵守庶免

滋弊臣謹具

奏伏乞

皇上睿鑒施行謹

奏

覽

同日又

奏爲敬陳汎地情形仰祈

睿鑒事竊臣看得重屬地方遼濶連歸併有二十州縣
汎地臣已遵

旨於本年八月十六日起身將各路營汎及水陸各塘
躬親逐一勘明十月二十五日回重所有地理情
形併添設事宜敬爲我

皇上陳之巴縣乃重郡首邑水陸交衝永川榮昌二縣
俱臨上省通衢一路有鎮店行人絡繹其歸併永
川之璧山縣與歸併榮昌之大足縣俱在深山寄

籍多於土著長壽縣濱臨大江亦通旱路墊江縣在山內與長邑緊接均爲協餉經由要道綦江縣在重慶府東南綦江之上旱路通遵義府屬而至黔省向爲川販出沒之區彭水黔江二縣在重慶府東南涪陵江之上水陸皆通山高灘險爲楚民及川販往來捷徑合州在重慶府西北爲涪漢諸水總匯之處且有歸併定遠一縣幅員袤廣落業之楚民又多以上各汛稽察尤宜嚴密但查原設

水陸各塘止有兵丁二三名不等誠屬不敷臣隨
飭各該營每塘添足五名聯絡巡查庶有裨益其
涪忠二州江津酆都二縣原設之水陸各塘兵丁
俱足巡察無庸增添南川縣在萬山之中小路通
遵義府正安桐梓等州縣亦係川販由黔入蜀之
地歷來有汛無塘實爲缺畧臣隨勘明路徑量設
三塘撥兵稽查銅梁縣亦在山內原與安居定遠
二邑歸併合州均係右營汛地當奉文復設縣治

之時適出師口外在在兵單故未設汛僅撥兵五
以上措置俱是兵數添足若任其懈弛與不添無異時
名防守迄今兵已撤回日久而該邑地方倉庫攸
加嚴察爲要

關專汛未便再緩臣卽於該營選拔把總一員帶

此朕屢諭直省者但實力遵行與否則在各該督撫耳
之費現咨撫臣酌奪所有各路塘房煙墩哨樓向

係草蓋經撫臣檄令有司料理概用磚瓦以爲堅

固長久之計其塘汛兵目臣飭令各該營將備每

月遊巡處處加嚴時時加意則匪類自無藏身之

所笑又臣前聞外省民人搬家入川者甚多臣親身逐處留心查訪在重屬居停者無幾亦俱面同有司鄉甲取具田主房主併本人甘結暫留傭佃好

資生在案理合一併奏

聞伏乞

睿鑒施行謹

奏

覽

雍正七年六月二十七日四川重慶總兵官臣任國榮謹

奏恭請

皇上聖安竊臣於三月初三日抵裏塘後卽將一切情由具

奏在案所有達賴喇嘛於三月十五日坐禪念經起
彌月不出臣與副都統臣馬德臣鼐哥亦常去通
候至四月十五日圓滿坐牀進香者實繁有徒臣

等進見欸洽尤殷總之自始至今啟齒便云感激
皇恩報答不盡具見惓誠且凡差人往藏搬取物件或
往爐採買食物俱令喇嘛來告臣知臣仰體

德意承順而行現今仰賴

洪庥僧俗相安兵民和輯儼然極樂固屬好境但不可
少有疎懈若無樂極生悲之預防殆非永保極樂之道
塘向來天時常冷五六月間猶下大雪今風微雪
也一切寧有備無患謀定機先方不致忙迫不致遲悞
止五月天氣似內地暮春光景土人所種青稞秀
敬慎爲之

於往歲白叟黃童無不歡歌喜躍以爲瑞應臣等

與各弁兵亦皆慶幸春生寒谷此皆由我

皇上恩光普照一

視同仁之所致也但如此方是切毋輕忽

臣本庸愚自膺

防護之責兢兢業業常懼有不周之處夙夜靡寧

伏懇

聖訓以便欽遵庶免隕越爲此繕摺奏

聞謹

奏

覽

同日又

奏爲遵

旨事竊臣前於

陛辭時面奉

諭旨令臣留心文武官聲名欽此除先將由山陝一路

入川以及遊巡之際所訪各員優劣經臣繕摺具

奏外臣復不時查訪隨處留心今將察實各員弁恭

摺開具職名敬陳

睿鑒

謹慎自守小材器

提督四川學政宋在詩於三月內到重考試生童

公而且明聲名甚好

爲人

老成才情未能侔儔

分巡川東道陸賜書辦事細心人去得

觀其

人甚有長進於引見時不似有病爲何如此

分巡永寧道劉嵩齡人明白身子甚弱

原係

甚平常人且有孟浪多事之疵

永寧協副將張英聲名平常

其人

優劣前此未知

永寧協左營遊擊今調漳臘營遊擊張朝良操守

廉潔諳練營伍但不識字謹

奏

俱悉

同日又

奏爲奏

聞事竊臣欽奉

上諭駐劄裏塘原以防護達賴喇嘛嗣於本年四月十

一日臣准提臣黃廷桂咨商督臣岳鍾琪委臣總

統進勦膽對之官兵臣因此事在臣未到之前所

有起事緣由漢土官兵數目尚未深知不敢造次
隨行據各領兵官逐條開報前來臣復細加查察
看得膽對深處萬山羊腸鳥道界連西海巴裏等
處地方設有安撫司一員側冷滾布管理番民久
沾

王化緣昨年巴裏二塘地界上有被賊番搶刦之各案
經督臣岳鍾琪派令護理化林協印務黎雅營遊
擊高奮志小河營守備吳鎮分路統兵查捕該遊

擊於六年十二月內由裏塘抵翁布中地界木納
中無憑無據以滾布爲盜魁責差瓦述番目往調
滾布該遊擊於七年正月初十日軍次瞻對地界
占多十五日滾布到營投見該遊擊並不取一供
令其出營伺候十六日將滾布傳入使左右倒執
烏鎗劈頭打死其跟隨七人亦同時擊斃遲之數
日又去搗其巢穴以致震驚番衆顧命拒敵及被
官兵殺敗守死不出此實情也詎該遊擊報爲滾

布屢調不出率兵赴營拒敵被擒斬首五子聲言
報仇赴營拒敵傷兵等情請兵援勦隨奉

欽差吏部尚書臣查郎阿督臣岳鍾琪先後派調守備

戴奕熊劉貴進勦靈卡石等處之小河營守備吳
鎮駐劄裏塘之疊溪營遊擊常力行各領兵到彼
卽經滾布之子差人赴常力行營盤持信投誠復
央原供養之長蓋喇嘛至高奮志營內請降又據
滾布之母率數百餘人哭赴吳鎮行營投順且遣

伊家人切產奔臣行署哀鳴供情慘切并呈驗遊
擊高奮志於六年十一月二十九日所給番字牌
一紙上鈐化林協印信內譯出你差管家到我跟
前來送我禮物我若不收你的羞了你我都收了
你同我差官一齊來我還有話吩咐等字樣則是
滾布猶知差接猶知送禮猶知遵調親來固不爲
抗逆卽按各盜案內亦無滾布所管之人乃旣死
於非命而負險傷兵之兇犯已當被官兵攻殺甚

多今伊老母幼子同衆土番又仰畏

天威紛紛歸誠恐後情有可矜臣仰體

皇上好生之德一面密商督撫提臣一面宣布

天朝威德將滾布之家人切產等押回軍前令該將備

查明戶口定明部落造冊取結去後茲據該將備

辦理明白呈齋印信號紙冊結到臣經臣覆核無

異及查側冷滾布旣故其安撫司印信例應長子

班滾汪札納登承襲另行換給號紙以便管理地

方約束番民照例貢馬一體當差再查去歲巴裏
二塘所報被刦賞需軍糧塘馬客貨三起除已經
該將備勦撫完結外惟桑昂邦一處因守備吳鎮
調來瞻對故未清理臣已令該備回兵前去完結
剋期可竣現今巴裏二塘地方寧謐無庸大兵久
駐邊隅是以臣將陝兵六百名先行撤回陝省餘
俟桑昂邦事定一併撤回以免糜費所有瞻對歸
順各緣由理合具摺奏

聞伏乞

皇上睿鑒施行謹

奏

將遊擊高奮志捏報各情由嚴察明確一一據實叅奏
至善後事宜務期布置妥協毋得只圖目前了局草率
料理不能使兇番洗心革面致日後復有蠢動則汝領
罪不起竭力與督提二臣共秉公忠商酌辦理可也凡
如此等事件稍偏善柔將就及涉欺隱斷乎不可慎之

特諭

雍正七年八月十八日四川重慶總兵官臣任國

榮謹

奏恭請

皇上聖安叩祝

萬壽聖節欽惟我

皇上功叅覆載德邁勲華

御極以來凡爲天下久安長治計者無一時不上履

宸衷無一事不仰煩

睿慮薄海內外凡有血氣者無不均沾

教養共深愛戴矣此皆由

皇上至誠彌健參贊

上天公溥之心

純孝孔昭擴充

列祖寬弘之政所致也臣本庸愚謬膺重寄每慚報稱甚

列祖之政則大悞矣
難幸際

列祖之政一惟契丹共樂昇平但遙隔

天心裁者培之傾者覆之而已寧有他哉偏於存心寬弘

天顏已逾三載葵藿微忱彌切肺腑今恭逢

者非詐偽姦巧之流卽怯懦庸愚之輩凡治天下之道

聖誕普天同慶臣因汎守邊方弗克振趨與在廷諸臣

不外一中字但確秉大公之心賞善懲惡仁育義正方

可與言政體豈汝等凡夫俗子卑淺管見所能測度者

闕焚香叩祝

何得率據胸臆妄論

萬壽無疆臣惟仰體

列祖之聖德神功耶

聖心勉竭愚忠努力以圖報效

報效二字非好行小惠具婦人之仁循私譽而廢公誼

洪恩於萬一耳臣謹具

者所能也知之勉之
奏伏乞

睿鑒謹

奏

覽

同日又

奏爲奏

聞事竊臣查得昨歲巴塘所屬大朔奔义木元根地界
被刦軍糧塘馬九月內奉督臣岳鍾琪飭委小河

營守備吳鎮帶領漢土各兵進勦靈卡石駕英邦
桑昂邦等處賊番除靈卡駕英俱經勦滅因該守
備吳鎮調赴瞻營以致未將桑昂邦清理至六月
內瞻對歸誠事竣臣隨令該備仍同提標守備劉
貴統領兵弁前往清理去後今據該備等呈稱職
等奉文前進帶兵直抵桑昂邦總匯地名蒼抵所
有官兵經過地方沿途番目俱離巢遠迎先後赴
營投見預備各兵柴草甚爲恭順復將各番目白

馬奪吉等逐一研訊俱稱桑昂邦是總地名有十四處我們各住一箇地方山深路窄出入不便前蒙岳大人差官進來招撫後並未出來作盜那作盜的是靈卡駕英人都被官兵殺了我們正喜歡忽聽得官兵進來我們很害怕故出來投誠求饒我們的命照舊當差納賦供情懇切且案查行刦軍糧塘馬並無確據今見官兵深入紛紛離巢歸順似此情形若使乘便誅戮非特衆心不服抑且

上違

聖主好生之德隨經守備等選差外委及通事人等分
頭進彼巢穴查造戶口冊併取各結亦一一遵依
但彼地方遼濶煙戶零星倘不量其遠近分別管
轄則恐漫無約束猶非善後之圖今查十四處內
有附近巴塘者卽交巴塘土官管理附近乍了者
卽交乍了胡土圖管理附近官角者卽交官角謀
巴管理俱照舊額當差納賦取有保結在案除將

發回各番目飭令仍安住牧傳諭衆番永遵法守
外合將完結緣由併各項冊結呈齎察核等情到
臣又據該番目白馬奪吉等不憚千里之遙赴臣
行署哀鳴經臣覆訊供情無異臣卽宣揚

皇上德威明白告誡給賞回巢各安住牧訖惟是彼中
地界紛繁煙戶零星若不乘此嚴定管轄難以善
後應如該備等所議就近分管責成加意稽查約
束照舊當差納賦永爲遵守隨預咨督撫提臣酌

定所有軍前漢土官兵爲時甚久臣已先將課格
作了巴塘土兵悉令回家以省糜費其餘漢土兵
丁併遊擊常力行所領駐防各兵應次第撤回裏
塘酌量留駐回汛免致稽延除臣一併咨明督撫
提臣外爲此繕摺奏

聞伏乞

睿鑒施行謹

奏

覽奏知道了凡如此等番夷情事務須徹底料理安頓妥協萬不可苟且將就完結致貽後患誌之

同日又

奏爲恭謝

天恩事竊惟臣本庸愚前以遊擊微員仰蒙

皇上天恩超拔洊至總兵及

陞辭時又奉

旨將臣子任世傑任世英引

見發巡捕營當差以千總補用俾臣父子三人一時均沐

隆恩實逾常格舉家頂戴靡涯不期臣子世英無福早逝僅有臣長子世傑在營當差行走臣不時寄書教誡今據臣子世傑家信得悉已於四月內補授巡捕營東南一千總臣曷勝感激涕零隨恭設香案望闕叩頭謝

恩外所有微臣銜感私衷理合具摺恭謝

天恩伏乞

睿鑒謹

奏

教誡汝子世傑當最伊奉公除私任勞任怨莫爲假君子莫做真小人若於此處能領會一二將來可望成人

雍正八年九月初一日四川重慶總兵官臣任國

榮謹

奏爲奏

聞事竊臣前查所屬地方情形業經繕摺

奏明臣念各汛緊要不敢怠忽復差幹員分路遍查
今查得重慶各州縣士民俱安耕讀各塘汛弁兵
亦咸遵法守實力稽查匪類四野牧寧再查各州
縣所種田禾原有早晚二種但種早禾者不過十
分中之一二得雨雖遲亦有五六分收成其所種
晚禾田水霑足處處皆熟且四鄉播種雜糧頗廣

甚爲茂盛現今郡城米價上米每石一兩七錢中
米一兩六錢下米一兩四錢各州縣城市鄉村總
與郡城價值不甚懸殊爲此繕摺奏

聞伏乞

皇上睿鑒謹

奏

覽奏俱悉

汝之才情併供職處均甚屬平常當更加勉勵若一味

潔身是務必致污已而後已恐非自益之道凡數次差委皆不副朕望汝之意慎之勉之

雍正八年十一月二十五日四川重慶總兵官臣

任國榮謹

奏爲奏

聞事竊臣於本年九月二十七日准提臣黃廷桂咨開內稱烏夷悖叛變起倉卒大肆鴟張現在三省派撥官兵會剿查川省先後所派漢土官兵已計四

千三百餘員名若無大員就近節制調度殊非所
宜是以本提督與撫都院會商移咨貴鎮卽速量
帶人役星赴敘府駐劄以便居中節制統聽雲貴
督部院調遣事關軍機幸勿延緩等因到臣臣卽
於二十八日酌帶弁兵一百餘員名兼程前往於
十月初八日抵敘州府隨將提臣先後派遣應援
烏鎮三路漢土官兵弁丁催令各照指定路數小
心防範兼程前進所有官兵分路進剿沿途擊斬

賊夷之處臣因辦理伊始不敢遽行瀆

奏昨准提臣咨移令臣將一切官兵案件交代川北
鎮臣張玉料理等因而鎮臣張玉於十一月二十
三日到敘臣已於二十四日詳細交代訖伏念臣
本愚賤疊受

天恩卽捐糜頂踵亦不足仰報

高厚於萬一茲值用兵正臣效力之時但臣才識短淺
自駐敘月餘兢兢業業竭力殫心敬慎辦理實愧

毫無報稱惟仰仗

天威暨雲貴督臣四川提臣指示周詳俾臣得以遵行
無誤今雖交代寢食難安既准提臣咨會不敢遲
違隨於十一月二十五日仍率原帶弁兵回汛臣
惟頂戴


聖明整飭營伍保固地方勉盡臣之職守已耳爲此具
摺奏

聞伏乞

皇上睿鑒謹

奏

慚愧尚且不知洵屬無用之物



硃批諭旨卷九十四

欽定四庫全書

吏部

硃批諭旨卷九十五至

臣 永瑤恭校

編修臣 趙謙勛

總校官中書臣 朱 鈐

校對官中書臣 朱 忻

謄錄監生臣 曹元慶

欽定四庫全書

硃批諭旨卷九十五

硃批楊長泰奏摺

雍正二年十二月二十五日陝西肅州總兵官臣

楊長泰謹

奏為恭謝

天恩事雍正二年十二月二十三日臣於吐魯番軍營

接臣兄楊長春家信知仰沐

殊恩特授浙江提督臣即恭設香案望

闕叩頭謝

恩伏念臣兄弟二人材本庸劣均蒙

皇上簡膺重鎮揣分自思已出望外今長春更蒙

聖眷優渥

擢任提督兼荷

訓諭諄切

錫賚便蕃臣兄弟夙世何修叨此

異數惟有益深勉勵共竭愚誠愛養兵丁整飭營伍以
仰報

聖恩於萬一耳為此繕摺奏

謝伏乞

皇上睿鑒謹

奏

覽奏謝知道了爾兄楊長春所謂德勝於才之人也

雍正三年八月二十日陝西肅州總兵官臣楊長

奏謹

奏為恭繳

硃批奏摺事竊臣前因臣兄長春仰蒙

聖眷特授浙江提督具摺恭謝

天恩於雍正三年七月二十七日臣帶領吐魯番撤回

官兵至巴爾庫爾蒙靖逆將軍大學士臣富寧安

捧交

聖主發到奏摺臣恭捧至營跪讀

殊批諭旨不勝感激隨望

闕叩頭謝

恩伏思臣兄長春猥蒙

聖主畀以重任

寵榮已極茲更荷

溫旨褒嘉逾分犬馬之質實難承受臣兄弟惟有共相

勉勵益深感奮矢報

聖恩於萬一耳所有奉到

硃批奏摺理合

進繳伏祈

皇上睿鑒謹

奏

汝兄長春和平忠厚謹慎有餘所嫌者稍覺偏於善柔耳雖然武臣中可謂一好提督

雍正四年二月二十一日陝西肅州總兵官臣楊

長泰謹

奏為恭繳

硃批奏摺事雍正四年二月初二日臣齋摺把總恭捧
硃批諭旨到營臣隨跪接開讀望

闕叩頭謝

恩伏念臣兄弟仰沐

隆恩畀以提鎮重任涓埃未效實切悚惶荷蒙

聖慈寬容已屬榮幸乃臣兄長春疊邀

溫旨褒嘉跪讀之下感愧靡寧臣兄弟惟有益相砥礪

共竭篤駘以期上答

聖主優寵之恩下盡臣子矢報之誠於萬一耳謹將奉

到

硃批奏摺恭繳伏祈

皇上睿鑒謹

奏

朕觀汝兄長春善柔之病竟不悛改汝當寄字勸勉囑

伊剛方自勵

雍正四年九月初六日陝西肅州總兵官臣楊長

泰謹

奏為奏

聞事竊臣於雍正四年八月初六日統兵回肅業將任

事抵署日期繕疏

題報在案今臣將協路遊守千把等官酌量地方緩
急輪流調至肅州同標營將弁親加試驗除堪奉
職各將弁令其益加勉勵以報

國恩其才具昏庸弓馬不堪弁員咨呈督提二臣報
部斥革外隨查看標營兵丁演試弓馬鎗礮見其
部伍不齊技藝生疎者多此雖由從前將弁操練
不力所致亦緣肅鎮地處衝要自五十四年軍興
以來口外安臺及護送銀糧等事差務紛繁以致
不能按時操練漸次廢弛臣目擊形狀惶悚弗寧
惟有實力整飭務期營伍可觀兵馬熟練地方寧
謐軍民相安以副我

聖主慎重邊疆至意并仰報

隆恩於萬一所有臣抵肅驗看官兵營伍緣由理合恭

摺奏

聞伏祈

皇上睿鑒謹

奏

但當勉力已任內事何必言人之短將來爾陞轉後其
接任者亦復照此論奏若據所言甚屬可聽及察其本

身廢弛較前人尤甚朕覽之厭矣只在力行不在空文也勉之

雍正四年十二月二十七日陝西肅州總兵官臣

楊長泰謹

奏為恭謝

天恩事竊臣於本年十二月初三日親赴鎮屬之南山北邊一帶查看初十日行至永固城地方臣家人齎捧

皇上欽賜

御書十思疏一卷併

硃批奏摺到臣臣即恭設香案望

闕叩頭祇領訖伏思臣一介庸愚毫無知識荷蒙

天語垂訓教誨諄切不啻家人父子跪讀之下感激彌

深敬將奉到

聖訓時加警惕盡心勉力以圖報效今臣查看所屬地方凡邊牆傾圯者即報明督臣明春開凍後照例

補葺其兵馬營汎飭令嚴加操防務期地方寧謐
軍民安堵以仰副

皇上慎重邊疆之至意茲臣於十二月二十日回肅謹
將查看汎隘緣由具摺奏

聞併叩謝

天恩恭繳

硃批奏摺伏乞

皇上睿鑒謹

奏

好凡所行為莫謂相隔遼遠朕自有鑒照但竭力加勉可也

雍正五年十一月十二日陝西肅州總兵官臣楊長泰謹

奏為奏

聞事竊臣本年三月內

陞見曾將吐魯番遷來回目托克麻木特感激

皇上隆恩欲進京叩

謝緣由奏

聞面奉

諭旨俟伊等安插之後具題候旨遵行欽此欽遵今已
蒙

皇恩在威魯地方與遷來回子修築城垣蓋造房屋賞
給田地牛羊農具口糧等項無一不備回人男婦
老幼無不踴躍歡呼感頌

聖恩臣已據回目托克麻木特遞到稟內感激情詞及

請赴京謝

恩緣由咨呈川陝督臣岳鍾琪具

題請

旨外理合繕摺奏

聞謹

奏

候具題到日有旨

雍正六年三月初十日杭州左翼副都統臣楊長

泰謹

奏為恭請

陛見事竊臣仰荷

皇恩補授杭州副都統業即繕本奏

謝在案但杭州乃江海要地臣材質庸鈍恐有未諳
若不恭請

聖訓無所遵循且臣年逾六旬犬馬依戀之私時深下

懷倘蒙

聖主恩准

陸見臣由潼關先赴京都叩瞻

天顏恭聆

聖訓後再赴杭州新任俾臣有所遵循而依戀之忱亦得以稍慰矣為此繕摺請

旨臣無任瞻仰待

命之至謹

奏

前歲甫經陞見為日未久何必又請赴京於爾謝恩本
內已有諭旨矣

硃批諭旨卷九十五

欽定四庫全書

硃批諭旨卷九十六

硃批徐鼎奏摺

雍正五年七月二十四日浙江杭嘉湖道臣徐鼎
謹

奏為恭謝

天恩並陳微忱仰祈

睿鑒事竊臣一介庸愚蒙

皇上殊恩補授今職於本年二月初七日到任已經報
明督撫在案茲於六月二十九日准署布政使臣
許容移稱杭嘉湖道每年養廉心紅紙割給銀二
千兩以奉

旨之日起支等因到臣臣自顧何人疊蒙
異數感悚交集不能自己前蒙

賜臣摺奏隨繕摺恭謝

天恩至臣家祖父以來仰荷

聖朝養之恩衣食頗可自給臣歷任京職別無浮費俸廩之外稍借家中幫補即可用度無缺今在外任雖不免有延幕及差遣等項而際此天時調和臣鄉麥收大熟浙西現在禾苗甚茂將來豐收米賤支持尚易臣請將

頒賜銀兩除心紅紙劄係衙門經費仍照原議支領四百兩外其餘臣不敢妄動絲毫亦不敢矯飾立異惟請留濟公務如編造保甲倡率社倉勸賞捕盜

等類容臣按季預領隨時酌用仍於歲終開報院
司倘臣果自缺乏必須動支亦即據實開入日後
另簡賢員不作常例仍照原議賞給如此庶臣分
可安而公事亦不無小補矣合併陳明謹

奏

覽奏養廉之項支領多寡在爾自為無庸陳奏但不可
矯廉立異亦未有家中幫補用度居官之理操守原為
一生名節所關果能此何事不能為耶勉之

同日又

奏為浙西民戶叢雜田糧滋弊請就保甲以寓順莊
靖地方以便徵輸事竊查保甲一法屢經奉

旨通行而浙西里書之弊又久蒙

皇上洞悉曾頒

敕諭是二者誠相需為用可一舉而兼得一勞而永逸
實力為之

者也蓋浙西湖河交錯支港相通賊船之忽去忽
來最難防範沿岸之寄囤窩引最難蹤跡無事則

均屬平民遇事則頓作匪類必得水陸一體俱立保甲且不徒空造文冊務在挨戶核實按船編號方可釐剔至錢糧包攬飛灑以致歷年拖欠亦由戶名不清村莊不順所以里長雖行禁革而變為圩頭圖總甲首種種名色甚且有衿監吏胥暗占為缺者蓋浙俗糧冊並無的姓的名或子孫分析承用詭名至輾轉授受又聯合數姓報作一戶因而互相推諉並不知為何人或投託豪戶名下代

田糧

非清丈不能就理但清丈之舉甚難不得其人徒

滋紛

納任其侵蝕無從稽考又或一戶之糧數人應交擾為害更甚且如此行去看

而散居各處別鄉之人置產此地而相隔寫遠於是滾單不能挨送不得不用一熟識根柢之人令其查造傳催伊等既操其權遂致從中舞弊若果按保甲之實戶問田產之坐落以田產之的名編行糧之圖甲挨莊順叙戶戶可稽則錢糧何從詭寄抗欠何難追比乎但浙西州縣事務極繁保甲順莊以及船隻編號等事有司實無專功親身查

驗一惟虛應故事終於無濟臣已稟請撫臣於

命往浙省試用人員內派撥數員酌量委辦即以試其

才否但試用知縣止有六員臣未敢遽請俱撥與

臣所有派給二員祇可儘緊要處所令其試辦倘

蒙

與撫臣商酌題請可也

皇上再揀數員專令協助漸次料理則雖有豪強不願

者無可藉口阻撓行之自有成效第既成之後民

間遷徙不常田畝時有典賣必得隨時推收過戶

始不致日久混淆而稅契亦不至於隱漏然欲令

佐貳

隨時開報改註冊籍事誠繁劇州縣官止能總司

有之

察核或令佐貳代收代註或於大邑酌添閒員協

理伏惟

留心多方搜求尚不能十得二三何能有如許閒員耶

聖裁敕議如蒙

汝等詳細籌畫竭力為之

俞允似宜將實力挨查水陸各事宜並請

敕行蘇松等府庶太湖泖湖連界處所姦民無所隱避

而三吳田賦均得清釐矣是否有當伏乞

皇上睿鑒指示遵行謹

奏

覽所奏係從苦心中議出甚屬可嘉但未思及得人之難也天下原無不可辦之事所難者惟在得人一事耳追比盜賊一摺留中候交廷議

雍正五年十月初二日浙江杭嘉湖道臣徐鼎謹奏為敬繳

硃批恭謝

天恩事竊臣於七月內差家人齎進

奏摺荷蒙

皇上硃批發交原人捧回臣跪受開讀仰見

皇上睿慮精詳指示開導無微不至臣感激奮勵惟有

恪遵奉行以圖報稱於萬一合將奉到

硃批奏摺恭繳並謝

以後回繳硃諭另封呈進

天恩至揀發人員之處臣當即欽遵具詳撫臣聽候酌

議

欽定四庫全書

硃批諭旨

卷九十六

六

題請外其保甲順莊等事臣於具摺之後一面即令
派到試用知縣徐元肅葛大梁就近先於嘉興秀
水二縣試行又有原任海鹽縣行取知縣梁澤因
民欠調回清比羈留無事伊曾行過此法臣亦令
其協辦先將里書等傳集按實徵冊審問確實戶
名住址編為草冊目下已有首出飛灑詭寄田畝
俟核實冊籍完日尚須各員親詣村莊逐戶查詢
必更有不能隱匿者其中或有混淆太甚必須清

大方得徹底明白已蒙

不得人寧緩毋急否則徒滋擾累諸事皆然當切以為
聖明洞鑒誠如

戒

批諭所云不得其人為害更甚統俟二縣查完看其果

否清確因時權度並可倣照成式推行又現奉

諭旨令州縣會同教官於貢生生員中各舉孝友端方
才可辦事之人此誠我

皇上旁求無已之盛心亦期盡脫科場黨援之弊也但
州縣官於生貢未能徧知而教官虛公有識者甚

少或畏縮觀望輒以實無可舉塞責豈不上負

不宜急遽催促朕所求者真才實行也所舉之人或賢

曠典臣愚以為應立一規格按格考核先查其錢糧完

不肖異日干繫在真人之身曷可強迫而行寧虛此曠

典不容苟且塞責欠並各衙門有無作證和息等案次查考冊果否

常在一二等內其未經三次歲考及從未鄉試者

不許妄舉如此淘汰則每學不過十餘人再於此

內觀其言論舉止既已知其品行當令試辦一二

公事方可以覘其才具倘蒙

皇上採用臣議則如順莊一事即可令所舉之人試辦

果能料理無誤然後送入引

見庶選取有據不致虛此

盛典矣謹冒昧附陳伏乞

皇上睿鑒指示遵行謹

奏

覽

雍正六年二月初二日浙江杭嘉湖道臣徐鼎謹

奏為欽奉

上諭敬陳愚忱仰祈

睿鑒事雍正六年正月十七日准藩司轉行欽奉

上諭令京官自翰林科道郎中以上外官自知府道員學政以上每人各舉一人欽此移會到臣竊臣生平

交友最少在京在外實無深知之人惟前年蒙

恩補放浙西時因地當繁劇欲求賢幕訪及翰林陳儀陳儀尚不可信其所薦者何足為憑遽將未經謀面之人率爾奏請甚屬孟浪

京應試後赴南河效力若得此人相助必能有益

等語臣隨於赴浙時經過清江浦相訪不遇是以
未見其人亦未考其操守何如今奉

旨薦舉未知陳儀曾否舉出此人乞傳問備細或調取
引

見或

賞與臣衙門細察其品行才具俟有灼見另行保舉統
出

聖裁再臣有表兄徐備係徐州生員與臣自幼同學其

家亦貧未嘗濫營財利去年在臣署幫助其責望
此等口角空言人孰不能凡訓蒙塾師皆知作此套語
於臣之處皆以忠孝為主但性涉草野未就繩墨
也不敢保薦之人而指名具奏是何心耶遵照諭旨將
又其母老頗有家口之累臣亦不敢遽行保薦謹
所知者奏來
附摺

奏請伏乞

皇上睿裁指示遵行臣曷勝惶悚待

命之至謹

奏

覽

同日又

奏為敬體

皇仁仰請

恩出

上裁事竊浙省荷蒙

特恩將正項錢糧扣存十萬兩并耗羨十四萬兩通計

賞作公用及官員養廉之資從此州縣以上各官

無不均沾優渥而各項微員未經議及今我

皇上軫恤羣工賞給銀兩諒蒙一視同仁但由督撫題

請不若出自

斯言小哉
宸斷並沛

恩綸其為風動鼓舞入人尤深查浙省首領佐雜雖有
二百三四十缺然除鹽場稅課等官並稍有成例
可以自給者其餘不過百餘員若按其緩急輕重
量為派分在應得養廉各官所減有限而下吏均

沐

膏澤人人感激思奮矣是否有當伏乞

皇上睿鑒施行謹

奏

諒李衛自必有得當之料理

雍正六年九月二十五日湖北布政使臣徐鼎謹

奏恭請

皇上聖安

朕安閱爾記述訓旨之摺甚為詳備他人所記述似此
詳備者甚少朕嘉悅覽之既能記之於心自能見之於
行事也勉為之摺留中

同日又

奏為感荷

天恩勉圖報效敬抒下悃仰陳

聖聽事臣猥以庸愚蒙

皇上不次擢用畀以湖北藩司重任赴京之日疊蒙

召見

訓諭諄切

賞賚便蕃體恤備至臣稍有知覺寧無至性感發謹遵
旨恭繹

聖訓敬繕清摺進呈

御覽臣到任以來寤寐服膺未敢暫釋查得藩庫書吏
歷來勾串縣胥將州縣解來錢糧壓批不投私自
那用移後補前通同舞弊現經臣拏究通詳交與

府縣嚴加審追凡此病根皆由衙役積戀未盡剔
除之故蓋向來內外衙門皆有世缺今內部已大
此弊在外實有不能遽革之勢據奏今欲漸次剔除甚
清釐而外省猶多影射上下各官非不欲嚴行革
是

除實因一切檔案素係伊等掌管汗牛充棟一時
豈能檢收若遽將伊等斥逐則或私自挾藏或投
諸水火一旦需用無從查問以此因循遂難更改
臣現將作弊有據之人先行責革其餘且為多方
開諭令將歷年冊卷編寫號目不許隱漏一面詳

請督撫召募農民考驗學習俟編造彙齊新募有
人學習漸熟即令各按號點查照例設立架擱庫
盡行歸入大局一定即逐其人而除其缺曉諭通
屬使知此輩已經盡去庶州縣胥役不復串通而

亦須

州縣得人方能舉行也惟得人甚難

革吏亦不能指撞矣再臣衙門先經督臣楊宗仁
將通省錢糧加一火耗內坐派一分五釐合計銀
一萬一千六百餘兩為奏銷解餉飯食及養廉之
費臣查奏銷解費必不可缺而藩署公私雜用亦

難悉數臣家衣食粗足前在京在浙臣父俱稍為幫助今藩署用度實繁臣父亦日就衰老不能供

給謹恪遵

如此

方是用家資幫助居官殊非情理之常

聖諭不敢矯情照常收用登記明白果有餘剩即以濟地方公務斷不敢一毫隱匿以為身家計也合併

陳明伏冀

睿鑒謹

奏

覽

同日又

奏為承宣任重報稱維難謹竭愚慮通計湖北情形
仰祈

睿鑒事竊臣受

命抵楚急圖報效每思通省政務非得頭緒無從著力
是以夙夜籌畫竊見楚地山川交錯絕少平原水
多則苦流潦稍旱則又慮燥乾勢難均平無憾其

民性情躁動古稱剽悍寬猛尤須合宜近來吏治澄清一切弊政固已剔除無遺惟在恩威並用隨時調劑而已至於錢糧拖欠歷來不過數處如沔陽其最甚者此地雖常遭水患然亦未嘗不受水利其拖欠之故非盡由於被災總因水鄉東坍西長豪強乘機兼并飛灑詭寄以致糧冊混淆是以有田無糧者脫然事外有糧無田者追比不前又戶名里甲任其參錯執糧名以求其人則不知為

何人就田畝以問其居又不知在何處此里書之
所以不能去而滾催之所以終不行也臣前在浙
省曾經

奏明就保甲以行順莊雖推行未竟而嘉秀二邑似
覺試之有效今以湖北情事言之大約相類擬亦
於拖欠最甚之處試行此法不惟積欠可以清查
而欺隱之弊亦當漸無所容如果有效再為量地
制宜多委幹員協辦推廣其法容俟妥議詳明督

撫酌定謹先就臣愚見所及冒昧瀆陳伏乞

皇上睿鑒指示遵行謹

奏

汝此見甚好據邁柱亦曾奏請一如江西徹底清查未知意見與汝所奏合否汝等督藩同心協力斟酌為之

雍正七年三月初八日湖北布政使臣徐鼎謹

奏竊各官養廉一項蒙

皇上杜絕陋規體恤臣下

諭令督撫將未經分給之員一面辦理一面奏聞寧可
以州縣應出之項解至藩庫從公發給而不可使其
自相授受欽此轉行到臣臣即與督撫二臣悉心籌
畫通盤合算湖北額徵錢糧通共一百一十一萬
一百餘兩照加一耗羨合算共銀十一萬一千兩
零自督臣楊宗仁酌量派分於加一耗羨內以二
分作公用以一分作起解部餉之費統計三分共
銀三萬二千兩有零尚有七萬八千餘兩以額解

司餉內每兩之一分五釐作布政司養廉以合省
錢糧內之六釐作按察司養廉以額解糧驛二道
銀米內之一分五釐作二該道養廉以各道府所
管州縣錢糧內按股均攤為各道府養廉留三分
二釐作各州縣辦公養廉之用其錢糧不及五千
兩者即將耗羨盡行給予至同知通判有管關稅
者有管糧管鹽者相沿自有養廉大半未經分給
其佐雜等官亦未議及且州縣錢糧有止三四百

兩者加一耗羨雖全留不解亦僅三四十兩至稍過五千兩之處便應照額起解耗羨則所存亦復無幾臣細加體訪此種州縣雖名為加一火耗實有一分一二釐合計尾數積零至加一三者有之又額徵三四百兩之州縣尚有民差民當之說遇有公費仍出民間理應一併更改但計湖北通省大小官員除驛丞教職外共二百六十六員槩從節儉分派就其多寡牽搭合算約須銀十餘萬兩

今除存留三分耗羨外所餘僅七萬八千餘兩尚
缺銀二萬三四千兩無項可動再州縣繁簡參差
何止數倍若限以上中下三等分給亦尚有苦樂
不均之處以臣愚見似應將州縣暫循楊宗仁所
定之例仍留給三分二釐養廉其積零及民差之
說果係民情相安即使民情相安亦豈可因仍舊習似亦可暫仍其舊俟清查各項

贏餘既有確數田畝漸次復額然後更定始可永
著為例惟是州縣分解各衙門養廉或逢迎豫送

或索取豫支甚而隨封門禮皆所不免日久流積
便成虧空自應遵

旨將州縣應出之項統解司庫從公發給再查佐雜微
員巡查地方看守堤工歷來均有陋弊自應一并
議給養廉以便嚴行禁絕統計議分各官約有一
百六七十員須銀五萬餘兩今將原派分司道府
廳之項計銀三萬八千餘兩裒多益寡均勻攤派
亦尚未敷現在稟商督撫或請於三分公項內動

用或請於商捐銀兩內支銷仍懇豫為撥定按季
通融墊發隨時徵催歸補庶不因錢糧分數未完
致各官養贍有缺統俟督撫二臣核定另開細數
具

奏謹先將臣奉行籌畫之處繕摺奏

聞伏乞

皇上指示遵行謹

奏

辦理此事要須公當

同日又

奏竊議給養廉一項臣已就耗羨銀兩通盤籌畫另
摺奏

聞但耗羨尚未敷用且每年錢糧亦未能全數通完臣
復於前摺內請動三分公項或動商捐銀兩但商
捐即係鹽規因鹽規悉行禁革其每年應費之項
理應捐出充公間向日鹽規每年約有十五六萬

兩今止令每年捐銀十萬兩本屬省減而各商並未能應時交完如雍正六年二次具呈捐銀六萬

商人

兩實止交過銀一萬三千餘兩訪聞各衙門有不

地方

能盡除舊規之處故商人視捐項若為重出觀望

詢問

不前臣現在咨詢兩淮運使查其每年開報帳簿

之弊

內有無各衙門暗收之項一面密加訪察除漢陽

之耶

府縣係稟明督撫留作公用者其餘或尚有暗收
暗送查出一並揭叅治罪以杜將來仍請將應捐

商

若

樂於私飽恐非法所能繩也

之項著定額數寧從簡約勿務虛名徒滋掛欠責

令隨引起解另為存貯除充公用之外懇乞

皇恩量留一二萬兩以為分給各官養廉之用則商不
殊不妥協

重出官無私受而且於公事實有裨益為此附摺

謹

奏

覽

同日又

奏竊臣以駕鈍庸材蒙

恩深重亟圖報效每念藩司一官雖以錢糧為專責而
通省事無大小實無一不當經心而切計者也自
去冬臘雪頗大新正連得大雪二月以來數日一
雨處處調勻麥苗已將吐秀春花可卜收成因武
昌係重兵屯劄荊州駐有八旗大營誠恐青黃不
接或致米貴奉督臣酌示動支商捐銀兩買米以
備平糶今雖未能多買看來米價不致甚昂似已

無慮第查荊州兵餉每月由藩庫解至該府領催
於府堂自行彈兌其銀兩必欲加重除臣自給添
平外知府仍賠銀百餘兩不等在知府從前管稅
隱匿者多不敢爭執遂至習以為例今關稅已令
儘收儘解知府實難支持現在督臣籌酌容俟得
邁柱自有料理
有長計另

奏至堤工一事向係民修蒙我

皇上特發賞銀助其力作民情莫不歡呼第從前估報

不無參差今報銷須遵照原案而散給之際實屬

但能

於堤工有益何妨稍為通融

通融辦理一體均沾作其鼓舞之氣督令加培完

固現在陸續竣工應聽督臣核

題再積貯穀石於地方民生最有裨益從前借用之

穀乘去年豐熟臣督催買補但楚地濕熱其截漕

易穀及採買之穀例只歉歲平糶並不令出陳易

新將來買足之後歲值屢登不無紅朽臣以為宜

照常平倉之例亦令存七糶三庶得永久現在詳

請督撫應聽核酌具

具

題到日有旨

題理合一併奏

聞謹

奏

覽

雍正七年六月初七日署理湖北巡撫印務布政使臣徐鼎謹

奏為

聖主之殊恩逾分小臣之報稱愈難叩鳴謝悃仰祈

睿鑒事本年六月初五日奉督臣邁柱檄行內開五月

十六日內閣欽奉

上諭湖北巡撫印務著布政使徐鼎暫行署理欽此欽

遵轉行到臣并將印篆齎送前來臣隨恭設香案

望

闕叩頭謝

恩祇受伏念臣一介寒微至愚極陋荷蒙

皇上天恩歷加拔擢昇以藩司重任受事以來愧未有
寸長報效茲復奉

特旨令臣暫署撫篆間

命之下慙悚交集縱竭盡駑駘之力恐未能勝任惟有
恪遵

訓諭益加警惕夙夜祇懼黽勉供職以冀仰報
高厚於萬一耳除接印受事日期恭疏具

題外所有感切愚誠理合繕摺

奏謝謹

奏

勉力為之汝若器量再加宏濶識見能務遠大何任不克勝耶勉之

同日又

奏竊湖北堤工一項最關民生休戚向來例係民間歲修去年蒙我

皇上頒發帑銀加以獎賞助其力作凡有缺損之處俱

已陸續竣工經督臣具

題報銷在案今年春夏以來雨水調勻二麥豐收秧苗栽插及時大有可卜乘此年歲順序江漢安瀾益將堤工防護加培方為未雨綢繆之計臣仰體皇上念切民依之至意詳明督撫正擬於伏秋汛內親歷各工查勘適奉

特旨著臣暫署巡撫印務臣甫接印篆一切事件正須另委賢員代往查勘為是查辦未便遽行仍俟稍為清理酌量可否前往另

疏

題報外理合附摺奏

聞謹

奏

覽

雍正七年七月初四日署理湖北巡撫印務布政

使臣徐鼎謹

奏竊查湖北省入夏以來二麥豐登秧苗俱得時雨

惟至六月十四日以後省城附近天氣亢暘臣隨
飛飭各屬查報據襄鄖潛沔等處俱稱雨水無缺
其武漢黃荆等府屬得雨參差不一未能普徧凡
濱江倚湖之低田苗穗倍盛至高坡之處塘水不
敷灌溉望雨甚殷督臣邁柱偕臣率同在省官員
敬謹祈禱於七月初二日省城得雨數陣似覺地
氣通和可望再沛甘霖臣一面復飭各府州縣確
查得雨日期并分別早稻收成分數續報一面仍

隨督臣率各官再行虔禱務期隨事修省此時倘
得霑足晚禾仍無妨礙現今米價照常民情安靜
誠恐有塵

聖懷謹將目下雨澤情形據實奏

聞謹

奏

湖廣督撫不甚妥協所以雨暘未能時若況兼兵民風
俗又欠醇良何敢期望年豐歲稔耶大吏之不妥協處

在不能化導整飭非懈弛事件貪婪屈法之謂亟當修省黽勉誠敬上格若不講求根本之理徒從事於祈禱儀文恐未必能挽回

上天之譴罰也

同日又

奏竊查湖北荆關口岸十一處內有徐家口一處原名徐關經撫臣馬會伯

題請移設田家洲更名田關業蒙

俞允欽遵在案今於六月十八日據委管關務襄陽道趙之均報稱五月二十六日將徐關移駐田家洲建立關蓬旗桿至六月初十日有地棍多人挖旗拆蓬搶去告示課銀等項臣正在飛飭確查棍徒各姓嚴行究處又於二十日據潛江縣詳稱有陝西客民陳一高投到供稱因販木到關多勒稅銀起釁各船一時關鬧以致拆蓬各船隨即開行一高因木牌難行是以未去等情到臣臣思徐關改

設田關即有多勒稅銀情弊與居民並無交涉何
得有地棍開闢一面密加訪察始知田家洲原有
三條支港農船往來可以自便水長之時小販船
隻乘機偷越附近小民或為勾引安頓得分餘潤
今立關於此伊等遂覺不便於已所以隨聲附和
此等倡首之人若不審明按律治罪無以懲刁悍
之習第目下居民並不承認而商人又以關上任
意多索銀數為詞或因新移關口經收吏役調劑

未善亦未可定容俟確查實情並嚴究姦民務獲
分別審擬另行核

題外事關多人搶關理合先將訪察情節據實奏

聞謹

奏

此等刁風萬不可姑息將就完結以圖了事務須究明
原委莫使姦徒得以漏網類斯案件盡法處治一二向
後可保永久相安若稍為姑息恐各屬效尤將不勝其

料理矣地方上既遇此等事出不得不懲創一番以警戒將來

雍正七年七月二十二日署理湖北巡撫印務布政使臣徐鼎謹

奏竊查原署江夏縣事王琪嚇詐銀兩一案緣雍正五年間驛鹽道書吏陳臯聲私刻道印假造行鹽水程經襄陽府同知李昌期盤獲詳報彼時鹽道柳國勲業將陳臯聲所覓刻字匠楊正乾雕刻假

印實情審出乃並不查拏即交王琪收審王琪遂
乘機詐財捏坐於臯聲之僕陳全義混稱造而未
成問擬徒罪臯司王肅章主稿會同柳國勲即為
轉詳前督臣福敏批駁國勲私求福敏又復頂詳
福敏罰伊銀一千兩買杉木於荊州堤旁釘樁於
馬會伯到任前一日急為批結其實樁木未釘臣
已詳請

題叅部覆分別議處在案至王琪婪贓之由實因假

印起見臬司王肅章與臣會審不肯深究臣隨將不便會行緣由詳明督撫王肅章止以疎忽自行檢舉蒙督撫飭令臣會同在城各道公同審擬據提回錯擬徒罪已經發配之陳全義供出假印水程實係伊主陳臯聲覓青龍菴刻字匠楊正乾所刻曾印過二千餘張事發之後臯聲令其代為承認不過徒罪及質之臯聲亦供吐不諱與柳國勲初問供情相符且印文清漢分明難於掩飾而王

琪當日敢於改換初供必有所恃訊據王琪供稱
柳道曾說問擬徒罪外結了罷等語是柳國勲當
日懷私故縱王肅章亦扶同徇隱衆證鑿鑿今柳
國勲已蒙

皇恩念其先世殉節將收受陋規一萬四千餘兩並所
擬重罪盡行寬免令其引

見遂於此案倚恃

恩旨輾轉狡飾臣未便冒昧嚴訊謹先具摺奏

聞伏乞

皇上睿鑒指示遵行謹

奏

未便嚴訊是何言歟朕因憫念伊祖殉難忠節推恩寬
其從前之罪而已未有柳國勲一切過愆槩不必究之
旨也秉公審理不必瞻顧

同日又

奏竊查湖廣南北兩省界連苗疆而湖北所屬惟容

美司為大頻年以來漢土相安該土司田旻如未嘗不知感戴

皇恩畏服

天威獨與各上司文書往往似有驕抗之處臣心每為詫異詎料此等情事半由於舍把漢姦勾串為之也凡上司衙役頭目名曰舍把每扮作客販潛住省城與各衙門胥役交結為伊主打點公事實則樂起釁端方可就中取利或架言恐嚇其主遂將

空白印紙付令帶至省城隨事探聽即倩胥蠹代作文書任意抗辯以至陷土司於罪戾而不覺茲因查勘漢土界址一案與容美從前所據保靖司人口之事俱奉督臣批查詎料臣等詳文甫出而該土司辯白之文遂即或先或後徑投督臣衙門督臣邁柱查對月日究出舍把唐遇世發武昌府嚴審供稱係從藩司衙門書吏探聽總督衙門書吏代作辯呈將所帶空白印文寫就投遞臣隨查

出該管經承并交武昌府究訊督臣亦將書吏押發該府收審應俟審明定擬聽督臣核

題外事關土舍交通胥役積弊理合據實附

奏伏乞

皇上睿鑒指示遵行謹

奏

此事發摘姦伏得情理之當辦理甚屬可嘉朕欣悅覽焉

雍正七年八月初四日署理湖北巡撫印務布政使臣徐鼎謹

奏竊湖北夏月雨水情形並早稻收成數已經先後具摺分析奏

聞入秋以後得有霖雨數次頗稱普霑大勢均望有秋惟高坡田地未免受旱在先不無數處晚稻稍減幸蕎麥遍布襄鄖等屬原多播種雜糧俱極茂盛又向來被水之鄉今年實為倍收是以米價甚平

臣惟恐冬春之交米或昂貴謹與督臣邁柱預為
籌畫將商捐銀兩先動支一萬兩酌量分發地方
官令其各向產穀處所及時採買運貯以備平糶
之用凡有應行安頓之處均當隨時斟酌務期民
安耕鑿不致有匱

聖懷為此謹

奏

覽奏深慰朕懷

雍正七年九月初八日署理湖北巡撫印務布政使臣徐鼎謹

奏為奏明事竊本年己酉科湖北鄉試臣因暫署撫篆循例入闈監臨但查京闈三場畢後內外截然不許出入外省巡撫藩司多在闈中地方公事每有必須稟商者故向來相沿三場後遇有緊要事件屬員例得於開門時進見臣照舊循行八月二十六日有武昌道徐聚倫言奉督臣諭來商公事

乘輜而入臣與提調監試等官一同接見據稱督院倡捐起造劉猛將軍祠廟委伊監修令臣協同公捐等語又向臣密言武昌關稅弊端經伊訪拏詳報之後所收錢糧反較前增多等語臣以為此案奉批藩臬會審自有公議無庸預先言及促令出聞乃該道復於次日又傳有督臣面諭相見詢其緣由仍係建廟之事復言料廠稅務自武昌府張淑郡監收苛取重耗經我訪拏秤收輕減而稅

銀反增可知從前大有侵蝕豈可因係督院

題委之人不為嚴審等語查徐聚倫訪拏廠稅重戕
侵欺一案於閏七月初四日詳報及批兩司會審
提犯到案臣隨會同臬司研訊因該府家丁周二
供稱廠內另有伊主印簿臣等以各關定例止用
頒發親填簿扇今私設印簿恐有情弊隨檄調查
對尚未送到而臣於八月初六日遵例入關有何
瞻徇乃徐聚倫私意揣度借端入關似欲恐喝甚

屬不合臣當即面斥而出緣臣在闈中事非關涉
科場未便冒昧瀆

奏茲於九月初四日發榜事竣除廠料一案俟會審
明確另詳請

題外所有武昌道徐聚倫借端入闈情由理合據實
奏明伏乞

皇上睿鑒謹

奏

果自信無他凡似此預為防範之舉皆可不必倘有自
歎處即先入之言亦何能惑朕耳目耶至如品定屬員
賢否惟以其立心行事為憑向來若係秉正無私實心
奉公之員便有此等小節不協處不為絲毫介意方可
身膺封疆重任一不能容納則失大臣器局矣朕前批
汝器量不宏再加擴充則善之訓實屬不謬汝其誌之
勿忘

同日又

奏竊查御史高山條奏請令藩司衙門照臬司之例
一體封鎖欽奉

諭旨著實力奉行仰見我

皇上整飭吏治務期政肅風清之至意臣一面將更定
事宜議詳督撫實力奉行外竊思立法闕防期於
杜絕弊端總貴奉行實意非可徒徇虛名似宜於
條陳之內酌通其意以期永遠遵守蓋各衙門吏
胥弊竇多端全在該管官實力稽察不在換班之

遲速若定限一年一換伊等小人或有內顧牽縈
則辦公恐有貽誤至藩司衙門冊籍紛紜積久愈
多下班接手頭緒生疎尤慮舛錯似應仍照臬司
衙門之例按季輪換惟應一體嚴禁外班勿令暗
自盤踞并約束下班書役原居省城者不許探聽
招搖原居外府者不許逗遛影射則諸弊自可杜
絕矣至捐給書吏飯食臣等叨蒙

皇上恩賜養廉銀兩以公辦公理宜分給至伊等除捐

給飯食之外其有瑣屑之需未便盡出於官者似應仍聽自行買備第將所開單帳俱送內衙另為彙總開單交發買辦之人買進什物覆加檢閱發房則字跡不出門亦無所容其姦弊矣緣係遵

旨實力奉行謹悉心籌畫冒昧具陳伏乞

皇上睿鑒指示遵行謹

奏

遵照諭旨行觀汝等各省不能效法豫省田文鏡也

硃批諭旨卷九十六